

水經注匯校卷六

江西新城楊希閔卧雲校本

後魏酈道元撰

汾水 澮水 涑水 文水

原公水 洞過水 晉水 湛水

汾水出太原汾陽縣北管涔山

山海經曰北次二經之首在河之東其首枕汾曰管涔之

山其上無木而多草其下多玉案山海經作其上無木而多草其下多玉 閱案多

草其三字依趙本据山海經原文增然官本戴本仍舊亦是古人引書多不印定耳汾水出焉西流

注于河十三州志曰出武州之燕京山亦管涔之異名也

其山重阜脩巖有草無木泉源導于南麓之下蓋稚水濛

流耳又西南夾岸連山聯峯接勢劉淵族子曜嘗隱避于

水經注匯校卷六

管涔之山夜中忽有二童子入跪曰管涔王使小臣奉謁

趙皇帝獻劔一口置前再拜而去以燭視之劔長二尺光

澤非常背有銘曰神劔御除衆毒曜遂服之劔隨時變為

五色也後曜遂為胡王矣汾水又南與東溫溪合水出

左右近溪聲流翼注水上雜樹交蔭雲垂煙接自是水流

潭漲波襄轉汎又南逕一城東憑墉積石側枕汾水俗謂

之代城又南逕二城間其城角倚翼枕汾流世謂之侯莫

干城蓋語出戎方傳呼失實也汾水又南逕汾陽縣故城

東川土寬平岷山夷水地理志曰汾水出汾陽縣北山西

南流者也漢高帝十一年封斬彊為侯國後立屯農積粟

在斯何云本屯田所積明帝時乃欲轉謂之羊腸倉山有

羊腸坂在晉陽西北石墜縈紆閱案依戴本作縈紆官本

何云通鑑注若羊腸焉故倉坂取名矣漢永平中治呼沱引此作縈紆

石臼河按司馬彪後漢郡國志常山南行唐縣有石臼谷

案此十九字亦蓋資承呼沱之水轉山東之漕自都慮至

羊腸石將憑汾水以漕太原用實秦晉苦役連年轉運所

經凡三百八十九隘死者無算拜鄧訓為謁者監護水功

訓隱括知其難立具言肅宗肅宗從之全活數千人和熹

鄧后之立叔父陔以為訓積善所致也羊腸即此倉也又

南逕秀容城東魏土地記曰秀容胡人徙居之立秀容護

軍治東去汾水六十里南與酸水合水源西出少陽之山

東南流注于汾水汾水又南出山東南流洛陰水注之水

水經注匯校 卷六

出新興郡西流逕洛陰城北又西逕孟縣故城南春秋左

傳昭公二十八年分祁氏七縣為大夫之邑以孟丙為孟

大夫洛陰水又西逕狼孟縣故城南王莽之狼調也左右

夾澗幽深南面大壑俗謂之狼馬澗舊斷澗為城有南北

門門闔故壁尚在洛陰水又西南逕陽曲城北魏土地記

曰陽曲胡寄居太原界置陽曲護軍治其水西南注于汾

水汾水又南逕陽曲城西南注也

東南過晉陽縣東晉水從縣南東流注之

太原郡治晉陽城秦莊襄王三年立尙書所謂既脩太原

者也春秋說題辭曰高平曰太原原端也平而有度廣雅

曰大鹵大原也釋名曰地不生物曰鹵鹵鑪也穀梁傳曰

中國曰太原夷狄曰太鹵尙書大傳曰東原底平大而高平者謂之太原郡取稱焉魏土地記曰城東有汾水南流水東有晉使持節都督并州諸軍事鎮北將軍太原成王之碑水上舊有梁青荇殞于梁下豫讓死于津側亦襄子解衣之所在也汾水西逕晉陽城南舊有介子推祠祠前有碑廟宇傾頽惟單碑獨存矣今文字剝落無可尋也

又南洞過水從東來注之
汾水又南逕梗陽縣故城東故榆次之梗陽鄉也魏獻子以邑大夫魏戊也京相璠曰梗陽晉邑也今太原晉陽縣南六十里榆次界有梗陽城汾水又南卽洞過水會者也又南過大陵縣東

水經注匯校

卷六

三

昔趙武靈王遊大陵夢處女鼓琴而歌想見其人吳廣進孟姚焉卽于此縣也王莽改曰大寧矣汾水于縣左迤爲陂澤廣雅曰水自汾出爲汾陂其陂東西四里南北十餘里陂南接陂地理志曰九澤在北并州藪也呂氏春秋謂之大陸又名之曰漚洩之澤俗謂之陂城泊許慎說文曰馮水出西河中陽縣北沙南入河卽此水也馮水又會嬰侯之水山海經稱謁戾之山嬰侯之水出于其陰北流注于祀水水出祀山其水殊源共舍注于嬰侯之水亂流逕中都縣南俗又謂之中都水侯甲水注之水發源祁縣胡甲山有長坂謂之胡甲嶺卽劉歆遂初賦所謂越侯甲而長驅者也蔡邕曰侯甲亦邑名也在祁縣侯甲水又西北

歷宜歲郊逕太谷謂之太谷水出谷西北流逕祁縣故城南自縣連延西接鄔澤是爲祁藪也卽爾雅所謂昭餘祁矣賈辛邑也辛貌醜妻不爲言與之如皋射雉雙中之則笑也。案左傳魏子引叔向稱賈大夫事杜預云賈國之大夫是也此誤以爲賈辛王莽之示縣也又西逕京陵縣故城北王莽更名曰致城矣于春秋爲九原之地也故國語曰趙文子與叔向遊于九原曰死者若可作也吾誰與歸叔向曰其陽子乎文子曰夫陽子行并植于晉國不免其身智不足稱叔向曰其舅犯乎文子曰夫舅犯見利不顧其君仁不足稱吾其隨會乎納諫不忘其師言身不失其友事君不援而進不阿而退其故京尙存漢興增陵于其下故曰京陵焉侯甲水又西北逕中

都縣故城南城臨際水湄春秋昭公二年晉侯執陳無宇于中都者也漢文帝爲代王都此武帝元封四年上幸中都宮殿上見光赦中都死罪以下侯甲水又西合于嬰侯之水逕鄔縣故城南晉大夫司馬彌牟之邑也謂之鄔水俗亦曰慮水慮鄔聲相近故因變焉又西北入鄔陂而歸于汾流矣

又南過平陶縣東文水從西來流注之

汾水又南與石桐水合卽綿水也水出界休縣之綿山北流逕石桐寺西卽介子推之祠也昔子推逃晉文公之賞而隱于綿上之山也晉文公求之不得乃封綿爲介子推田曰以志吾過且旌善人因名斯山爲介山故袁山松郡

國志曰界休縣有介山綿上聚子推廟王肅喪服要記曰昔魯哀公祖載其父孔子問曰寧設桂樹乎哀公曰不也桂樹者起于介子推子推晉之人也文公有肉難出國之狄子推隨其行割肉以續軍糧後文公復國忽忘子推子推奉唱而歌文公始悟當受爵祿子推奔介山抱木而燒死國人葬之恐其神魂實于地朱箋異苑載子推逃祿隱迹抱樹燒死文公拊木哀嗟伐而製履每懷割股之功俯視其履故作桂樹焉吾父曰悲乎足下足下之稱將起于此矣故作桂樹焉吾父生于宮殿死于枕席何用桂樹為余按夫子尚非璠璣送葬安能問桂樹為禮乎王肅此證近于誣矣石桐水又西流注于汾水汾水又西南逕界休縣故城西王莽更名之曰界美矣城東有徵士郭林宗宋子浚二碑宋沖以有道

水經注匯校 卷六

司徒徵案此句有脫誤未詳林宗縣人也辟司徒舉太尉以疾辭其

碑文云將蹈洪崖之遐迹紹巢由之逸軌翔區外以舒翼

超天衢以高峙稟命不融享年四十有二建寧二年案近刻訛

作四正月丁亥卒凡我四方同好之人永懷哀痛乃樹碑

表墓昭銘景行云陳留蔡伯喈范陽盧子幹扶風馬日磾

等遠來奔喪持朋友服心喪暮年者如韓子助宋子浚等

二十四人其餘門人著錫衰者千數蔡伯喈謂盧子幹馬

日磾曰吾為天下碑文多矣皆有慙容惟郭有道無愧于

色矣汾水之右有左部城側臨汾水蓋劉淵為晉都尉所

築也

又南過冠爵津

汾津名也在界休縣之西南俗謂之雀鼠谷數十里間道險隘水左右悉結偏梁閣道累石就路縈帶巖側或去水一丈或高五六尺上戴山阜下臨絕澗俗謂之爲魯般橋蓋通古之津隘矣亦在今之地險也

又南入河東界又南過永安縣西

故彘縣也周厲王流于彘卽此城也王莽更名黃城漢順帝陽嘉三年改曰永安縣霍伯之都也

歷唐城東

案此四字原本及近刻竝誤入注內接霍伯之都也下以體例考之乃經之書法與注異今改正

趙本仍作注

薛瓚注漢書云堯所都也東去彘十里汾水又南與絺水合水出東北太岳山禹貢所謂岳陽也卽霍太山矣上有

水經注匯校

卷六

飛廉墓飛廉以善走事紂惡來多力見知周武王伐紂兼殺惡來飛廉先爲紂使北方還無所報乃壇于霍太山而致命焉得石棺銘曰帝令處父不與殷亂賜汝石棺以葬死遂以葬焉霍太山有岳廟甚靈鳥雀不棲其林猛虎常守其庭又有靈泉以供祭祀鼓動則泉流聲絕則水竭湘東陰山縣有侯曇山上有靈壇壇前有石井深數尺居常無水及臨祈禱則甘泉湧出周用則已亦其比也絺水又西流逕觀阜比故百邑也原過之從襄子也受竹書于王澤以告襄子襄子齋三日親自剖竹有朱書曰余霍太山山陽侯天使也三月丙戌余將使汝反滅智氏汝亦立我于百邑襄子拜受三神之命遂滅智氏祠三神于百邑

使原過主之世謂其處爲觀阜也彘水又西流逕永安縣故城南西南流注于汾水。汾水又南逕霍城東故霍國也。昔晉獻公滅霍趙夙爲御霍公求奔齊晉國大旱卜之曰霍太山爲祟使趙夙召霍君奉祀晉復穰蓋霍公求之故居也。汾水又逕趙城西南穆王以封造父趙氏自此始也。汾水又南霍水入焉水出霍太山發源成潭漲七十步而不測其深西南逕趙城南西流注于汾水。

又南過楊縣東

澗水東出穀遠縣西山西南逕霍山南又西逕楊縣故城北晉大夫僚安之邑也。何氏引亭林云左傳昭二應劭曰十八年僚安爲楊氏大夫故楊侯國王莽更名有年亭也其水西流入于汾水汾水

水經注匯校

卷六

七

逕楊城西不于東矣魏土地記曰平陽郡治楊縣郡西有汾水南流者是也

西南過高梁邑西

黑水出黑山西逕楊城南又西與巢山水會山海經曰牛首之山勞水出焉西流注于潏水疑是水也潏水卽巢山之水也水源東南出巢山東谷北逕浮山東又西北流與勞水合亂流西北逕高梁城北西流入于汾水。汾水又南逕高梁故城西故高梁之墟也春秋僖公二十四年秦穆公納公子重耳于晉害懷公于此此竹書紀年晉出公十三年智伯瑤城高梁漢高帝十二年以爲侯國封恭侯酈疥于斯邑也

又南過平陽縣東

汾水又南逕白馬城西魏刑白馬而築之故世謂之白馬城今平陽郡治汾水又南逕平陽縣故城東晉大夫趙鼂之故邑也應劭曰縣在平河之陽堯舜竝都之也竹書紀年晉烈公元年韓武子都平陽漢初曹參擊魏王豹走之盡有魏地後封列侯食邑平陽固斯境矣閱案此二十五字依趙本据各勝志引此昭帝封度遼將軍范明友為侯國王莽之香平也魏立平陽郡治此矣水側有堯廟廟前有碑魏土地記曰平陽城東十里汾水東原上有小臺臺上有堯神屋石碑永嘉三年劉淵徙平陽于汾水得白玉印方四寸高二寸二分龍紐其文曰有新寶之印王莽所造也淵以為天

水經注匯校

卷六

授改永鳳二年為河瑞元年汾水南與平水合水出平陽縣西壺口山尚書所謂壺口治梁及岐也其水東逕狐谷亭北春秋時狄侵晉取狐厨者也又東逕平陽城南東入汾俗以為晉水非也汾水又南歷襄陵縣故城西晉大夫卻犢之邑也故其地有犢氏鄉亭矣西北有晉襄公陵縣蓋即陵以命氏也王莽更名曰幹昌矣

又南過臨汾縣東

天井水出東陘山西南北有長嶺嶺上東西有通道即鉏澧也穆天子傳曰乙酉天子西絕鉏澧西南至盩是也其水三泉奇發西北流總成一川西逕堯城南又西流入汾又屈從縣南西流

汾水又逕絳縣故城北竹書紀年梁惠成王閔案原作梁武王今依戴

趙本二十五年絳中地塈西絕于汾汾水西逕虜祈宮北橫

水有故梁截汾水中凡有三十柱柱徑五尺裁與水平蓋

晉平公之故梁也物在水故能持久而不敗也又西逕魏

正平郡南故東雍州治太和中皇都徙洛罷州立郡矣又

西逕王澤案原本訛作王橋近刻訛作正橋考原過受竹書于王澤即此地今改正澮水入焉

何云澮水西至王澤注于汾水經見後閔案王澤舊譌王橋此與後經竝同官本政之趙本仍舊殆失校

又西過長脩縣南

汾水又西與古水合水出臨汾縣故城西黃阜下其大若

輪西南流故溝橫出焉東注于汾今無水又西南逕魏正

平郡北又西逕荀城東古荀國也汲郡古文晉武公滅荀

水經注匯校 卷六

以賜大夫原氏黯是為荀叔也閔案此五字依趙本據漢書地理志注應劭引汲郡

古文古水又西南入于汾汾水又西南逕長脩縣故城南

漢高帝十一年以為侯國封杜恬也有脩水出縣南而西

南流入汾汾水又西逕清原城北故清陽亭也城北有清

原晉侯蒐清原作三軍處也汾水又逕冀亭南昔曰季使

過冀野見郤缺耨其妻饁之相敬如賓言之文公文公命

之為卿復與之冀京相璠曰今河東皮氏縣有冀亭古之

冀國所都也杜預釋地曰平陽皮氏縣東北有冀亭即此

亭也汾水又西與華水合水出北山華谷西南流逕一故

城西俗謂之梗陽城非也梗陽在榆次不在此按故漢上

谷長史侯相碑云侯氏出自倉頡之後踰殷歷周各以氏

分。或著楚。魏。或顯齊。秦。晉。卿士。薦斯其。冑也。食采華陽。今蒲坂北亭地。閱案原無地字。今依沈本增。卽是城也。其水西南流注于汾。汾水又逕稷山北。在水南四十許里。山東西二十里。南北三十里。高十三里。西去介山十五里。山上有稷祠。山下稷亭。春秋宣公十五年。秦桓公伐晉。晉侯治兵于稷。以畧狄土是也。

又西過皮氏縣南

汾水西逕鄆丘北。何引亭林云。鄆舊譌鄧。顏師古曰。鄆與上登鄆邱。故漢氏之方澤也。賈逵云。漢法三年祭地。汾陰亭是也。方澤澤中有方丘。故謂之方澤丘。卽鄆丘也。許慎說文稱從邑癸聲。河東臨汾地名矣。在介山北山。卽汾山也。其山

水經注匯校

卷六

十

特立周七十里。高三十里。文穎言在皮氏縣東南。則可三十里。乃非也。今準此山。可高十餘里。山上有神廟。廟側有靈泉。祈祭之日。周而不耗。世亦謂之子推祠。揚雄河東賦曰。靈輿安步。周流容與。以覽于介山。嗟文公而愍推兮。勤大禹于龍門。晉太康記及地道記。與永初記。竝言子推所逃。隱于是山。卽實非也。余按介推所隱者。綿山也。文公環而封之。爲介推田。號其山爲介山。杜預曰。在西河界休縣者是也。汾水又西逕耿鄉城北。故殷都也。帝祖乙自相徙。此爲河所毀。故書敘曰。祖乙圯于耿。杜預曰。平陽皮氏縣東南耿鄉是也。盤庚以耿在河北。迫近山川。乃自耿遷亳。晉獻公滅耿。以封趙夙。後襄子與韓魏分晉。韓康子居平

陽魏桓子都安邑號為三晉此其一也漢武帝行幸河東濟汾河作秋風辭于斯水之上汾水又西逕皮氏縣南竹書紀年魏襄王十二年秦公孫爰率師伐我圍皮氏翟章率師救皮氏圍疾西風十三年城皮氏者也漢河東太守潘係穿渠引汾水以溉皮氏縣故渠尚存今無水也

又西至汾陰縣北西注于河

水南有長阜背汾帶河阜長四五里廣二里餘高十丈汾水厯其陰西入河漢書謂之汾陰雒應劭曰雒丘類也汾陰男子公孫祥望氣寶物之精上見祥言之于武帝武帝于水獲寶鼎焉遷于甘泉宮改其年曰元鼎即此處

澮水出河東絳縣東澮交東高山

水經注匯校 卷六

澮水東出絳高山亦曰河南山又曰澮山西逕翼城南按詩譜言晉穆侯遷都于絳暨孫孝侯改絳為翼翼為晉之舊都也竹書紀年曰莊伯十二年翼侯焚曲沃之禾而還作為文公也閔案竹書下十九字依戴本逐下文次此攷下交尚有作為文公也五字戴本刪之官本注云有譌舛未詳又案十九字如舊本次在下文殊礙礙今逐此前後交氣都通順故當依之但作為文公也五字疑是十九字未注中注而作字上下又有脫交今仍小字綴于下未欲刪泯其迹也後獻公北廣

其城方二里又命之為絳故司馬遷史記年表稱獻公九年始城絳都左傳莊公二十六年晉士蔿城絳以深其宮是也其水又西南合黑水水導源東北黑水谷西南流逕翼城北右引北川水水出平川南流注之亂流西南入澮水澮水又西南與諸水合謂之澮交又有賀水東出近川

西南至澮交入澮又有高泉水出東南近川西北趣澮交注澮又南紫谷水東出白馬山白馬川遁甲開山圖曰絳山東距白馬山謂是山也西逕熒庭城南而西出紫谷與乾河合卽教水之枝川也史記白起傳稱涉河取韓安邑東至乾河是也其水西與田川水合水出東溪西北至澮交入澮又有于家水出于家谷竹書紀年曰莊伯以曲沃叛伐翼公子萬救翼荀叔軫追之至于家谷有范壁水出于壁下竝西北流至翼廣城昔晉軍北入翼廣築之因卽其姓以名之二水合而西北流至澮交入澮澮水又西南與絳水合俗謂之曰白水非也水出絳山東寒泉奮湧揚波北注懸流奔壑一十許丈青崖若點黛素湍如委練望

水經注匯校

卷六

十三

之極爲奇觀矣其水西北流注于澮應劭曰絳水出絳縣西南蓋以故絳爲言也史記稱智伯率韓魏引水灌晉陽不沒者三版智氏曰吾始不知水可以亡人國今乃知之汾水可以浸安邑絳水可以浸平陽案原本及近刻竝訛作汾水可以浸平陽絳水可以浸安邑今據戰國策史記資治通鑑訂正時韓居平陽魏都安邑魏桓子肘韓康子韓康子履魏桓子肘足接于車上而智氏以亡魯定公問一言可以喪邦有諸孔子以爲幾乎余觀智氏之談矣汾水灌安邑或亦有之絳水灌平陽未識所由也

案原本及近刻亦安邑平陽互訛今據括地志及胡三省注通鑑所引此文訂正

西過其縣南

春秋成公六年晉景公謀去故絳欲居郇瑕韓獻子曰案

本及近刻六年訛作元年晉景公訛作晉
悼公韓獻子訛作魏獻子今據左傳改正 土薄水淺不如

新田有汾澮以流其惡遂居新田又謂之絳卽絳陽也蓋

在絳澮之陽漢高帝六年封越騎將軍華無害爲侯國縣

南對絳山面背二水古文瑣語曰晉平公與齊景公乘至

于澮上見乘白驂八駟以來有犬狸身而狐尾隨平公之

車公問師曠對狸身狐尾其名曰首陽之神者閱案五字

增飲酒得福則微之蓋于是水之上也案此有脫誤朱謀

汲冢瑣語晉平公至澮上見人乘白驂八駟以來有狸身

而狐尾去其車而墮公之車公問師曠曰狸身而狐尾其

名曰首陽之神飲酒于霍太山而歸其逢君于澮乎君其有喜

又西南過虜祁宮南 宮在新田絳縣故城西四十里晉平公之所構也時有石

水經注匯校

卷六

言于魏榆晉侯以問師曠曠曰石不能言或憑焉臣聞之

作事不時怨讟動于民則有非言之物言也今宮室崇侈

民力彫盡石言不亦宜乎叔向以爲子野之言君子矣其

宮也背汾面澮西則兩川之交會也竹書紀年曰晉出公

五年澮絕于梁卽是水也

又西至王澤注于汾水

晉智伯瑤攻趙襄子襄子奔保晉陽原過後至遇三人于

此澤自帶以下不見持竹二節與原過曰爲我遺無卹原

過受之于是澤所謂王澤也

涑水出河東聞喜縣東山黍葭谷

涑水所出俗謂之華谷至周陽與洮水合水源東出清野

山世人以為清襄山也其水東逕大嶺下西流出謂之哈口又西合涑水鄭使子產問晉平公疾平公曰卜云臺駘為崇史官莫知敢問子產曰高辛氏有二子長曰闕伯季曰實沈不能相容帝遷闕伯于商丘遷實沈于大夏臺駘實沈之後能業其官帝用嘉之國于汾川由是觀之臺駘汾洮之神也賈逵曰汾洮二水名司馬彪曰洮水出聞喜縣故王莽以縣為洮亭也然則涑水始亦洮水之兼稱乎

西過周陽邑南

其城南臨涑水北倚山原竹書紀年晉獻公二十五年正月翟人伐晉周存白兔舞于市即是邑也漢景帝以封田勝為侯國涑水西逕董澤陂南即古池東西四里南北三

水經注匯校

卷六

西

里春秋文公六年蒐于董即斯澤也

何云左傳作蒐於董杜注汾陰縣有董亭

宣十二年傳董澤之蒲注云澤名河東聞喜縣東北有董澤陂則文六年云蒐於董者非董澤也涑水又

與景水合水出景山北谷山海經曰景山南望鹽販之澤北望少澤其草多藎蕪秦椒其陰多赭其陽多玉郭景純曰鹽販之澤即解縣鹽池也按經不言有水今有水焉西北流注于涑水也

又西南過左邑縣南

涑水又西逕仲郵鄉北又西逕桐鄉城北竹書紀年曰翼侯伐曲沃大捷武公請成于翼至桐乃返者也漢書曰武帝元鼎六年將幸緱氏至左邑桐鄉聞南越破以為聞喜縣者也涑水又西與沙渠水合水出東南近川西北流注

于涑水涑水又西南逕左邑縣故城南故曲沃也晉武公自晉陽徙此秦改爲左邑縣詩所謂從子于鵠者也春秋傳曰下國有宗廟謂之國在絳曰下國矣卽新城也王莽之洮亭也涑水自城西注水流急濬輕津無緩故詩人以爲激揚之水言不能流移束薪耳水側卽狐突遇申生處也春秋傳曰秋狐突適下國遇太子太子使登僕曰夷吾無禮吾請帝以畀秦對曰神不歆非類君其圖之君曰諾請七日見我于新城西偏及期而往見于此處故傳曰鬼神所憑有時而信矣涑水又西逕王官城北城在南原上春秋左傳成公十三年四月晉侯使呂相絕秦曰康猶不梭入我河曲伐我涑川俘我王官故有河曲之戰是矣今

水經注匯校

卷六

五

世人猶謂其城曰王城也

又西南過安邑縣西

安邑禹都也禹娶塗山氏女思戀本國築臺以望之今城南門臺基猶存余按禮天子諸侯臺門隅阿相降而已未必一如書傳也故晉邑矣春秋時魏絳自魏徙此昔文侯懸師經之琴于其門以爲言戒也武侯二年又城安邑蓋增廣之秦始皇使左更白起取安邑置河東郡王莽更名

洮隊

案近刻訛作陽一今本漢志亦誤以莽傳攷之則知善長所見之漢

全氏祖望曰洮隊乃巨君六隊之

書亦已誤矣

縣曰河東也有項寧都學道升仙忽復還此河東

號曰斥仙漢世又有閔仲叔隱遁市邑罕有知者後以識瞻而去涑水西南逕監鹽縣故城

案此縣卽下文所云分猗氏安邑置縣以守之

也者城南有鹽池上承鹽水水出東南薄山西北流逕巫咸山北地理志曰山在安邑縣南海外西經曰巫咸國在女丑北右手操青蛇左手操赤蛇在登葆山羣巫所從上下也大荒西經云大荒之中有靈山巫咸巫卽巫盼巫彭巫姑巫真巫禮巫抵巫謝巫羅十巫從此升降百藥爰在郭景純曰言羣巫上下靈山採藥往來也蓋神巫所遊故山得其名矣谷口嶺上有巫咸祠其水又逕安邑故城南又西流注于鹽池地理志曰鹽池在安邑西南許慎謂之鹽長五十一里廣七里周百一十六里從鹽省古聲呂沈曰夙沙初作煮海鹽河東鹽池謂之鹽今池水東南七十里南北十七里紫色澄渟潭而不流水出石鹽自然印成朝

水經注匯校

卷六

六

取夕復終無減損惟山水暴至雨澍橫潦奔洑則鹽池用耗故公私共竭水徑防其淫濫謂之鹽水亦謂之爲竭水山海經謂之鹽販之澤也澤南面層山天巖雲秀地谷淵深左右壁立間不容軌謂之石門路出其中名之曰徑南通上陽北暨鹽澤池西又有一池謂之女鹽澤東西二十五里南北二十里在猗氏故城南春秋成公六年晉謀去故絳大夫曰郇瑕地沃饒近鹽服虔曰土平有漑曰沃鹽鹽池也土俗裂水沃麻分灌川野畦水耗竭土自成鹽卽所謂鹹鹺也而味苦號曰鹽田鹽暨之名始資是矣本司鹽都尉治領兵千餘人守之周穆王漢章帝竝幸安邑而觀鹽池故杜預曰猗氏有鹽池後罷尉司分猗氏安邑置

縣以守之

又南過解縣東又西南注于張陽池

涑水又西逕猗氏縣故城北春秋文公七年晉敗秦于台
狐至于刳首先蔑奔秦士會從之闕駟曰台狐即猗氏也
刳首在西三十里縣南對澤即猗頓之故居也孔叢曰猗
頓魯之窮士也耕則常饑桑則常寒聞朱公富往而問術
焉朱公告之曰子欲速富當畜五牴于是乃適西河大畜
牛羊于猗氏之南十年之間其息不可計貲擬王公馳名
天下以興富于猗氏故曰猗頓也涑水又西逕郇城詩云
郇伯勞之蓋其故國也杜元凱春秋釋地云今解縣西北
有郇城服虔曰郇國在解縣東郇瑕氏之墟也余按竹書

水經注匯校

卷六

七

紀年云晉惠公十有四年秦穆公率師送公子重耳圍合

狐桑泉曰衰皆降于秦師

何云有脫誤秦師疑作晉使然
攷之左傳則狐毛亦從重耳者

也狐毛與先軫禦秦至于廬柳

全云狐毛與子犯兄弟並
從文公其父突以此死如

何反為子圍禦秦師耶竹書之謬
甚矣董熈曰其時晉將為呂卻

乃謂秦穆公使公子絳

來與師言退舍次于郇盟于軍京相璠春秋土地名曰桑

泉曰衰竝在解東南不言解明不至解可知春秋之文與

竹書不殊今解故城東北二十四里有故城在猗氏故城

西北鄉俗名之為郇城考服虔之說又與俗符賢于杜氏

單文孤證矣涑水又西南逕解縣故城南春秋晉惠公因

秦返國許秦以河外五城內及解梁即斯城也涑水又西

南逕瑕城晉大夫詹嘉之故邑也

顧亭林云晉有二瑕其一
左傳成六年必居郇

瑕之地。郟。瑕。古國名。卽水經注所謂瑕城也。京相璠曰。河東解縣西南五里有故瑕城是也。其一僖公三年。解。焦。瑕。晉。河。外。五。城。之。二。邑。又。文。公。十。三。年。晉。侯。使。詹。嘉。守。桃。林。之。塞。此。瑕。邑。卽。爲。桃。林。之。塞。也。今。爲。閿。鄉。縣。治。鄆。氏。以。郟。瑕。之。瑕。爲。詹。嘉。之。邑。誤。矣。春秋僖公三十年。秦晉圍鄭。鄭伯使燭之武。謂秦穆公曰。晉許君。焦瑕。朝濟而夕設版者也。京相璠曰。今河東解縣西南五里有故瑕城。涑水又西南逕張陽城。東竹書紀年。齊師逐鄭太子齒。奔張城南。鄭者也。漢書之。所謂東張矣。高祖二年。曹參假左丞相。別與韓信東攻魏。將孫遨軍。東張大破之。蘇林曰。屬河東卽斯城也。涑水又西南屬于陂。陂分爲二城。南面兩陂。左右澤渚。東陂世謂之晉興澤。東西二十五里。南北八里。南對鹽道山。其西則石壁千尋。東則磻溪萬仞。方嶺雲迴。奇峯霞舉。孤標秀出。

水經注匯校

卷六

六

罩。絡。羣。山。之。表。翠。柏。蔭。峯。清。泉。灌。頂。郭。景。純。云。世。所。謂。鴛。漿。也。發。于。上。而。潛。于。下。矣。厥。頂。方。平。有。良。藥。神。農。本。草。曰。地。有。固。活。女。疎。銅。芸。紫。苑。之。族。也。是。以。緇。服。思。元。之。士。鹿。裘。念。一。之。夫。代。往。遊。焉。路。出。北。巘。勢。多。懸。絕。來。去。者。咸。援。蘿。騰。窞。尋。葛。降。深。于。東。則。連。木。乃。陟。百。梯。方。降。巖。側。縻。鎖。之。跡。仍。今。存。焉。故。亦。曰。百。梯。山。也。水。自。山。北。流。五。里。而。伏。云。潛。通。澤。渚。所。未。詳。也。西。陂。卽。張。澤。也。西。北。去。蒲。坂。十。五。里。東。西。二。十。里。南。北。四。五。里。冬。夏。積。水。亦。時。有。盈。耗。也。文。水。出。大。陵。縣。西。山。交。谷。東。到。其。縣。屈。南。到。平。陶。縣。東。北。東。入。于。汾。

文水逕大陵縣故城西而南流有沁水注之水出

閿案水出二字

依趙本據寰宇記校增。縣西南山下武氏穿井給養井至幽深。後一朝水溢平地。東南注文水。交水又南逕平陶縣之故城東。西逕其城內南流出郭。王莽更曰多穰也。交水又南逕縣右會隱泉口水出謁泉山之上頂。俗云賜雨愆時是謁。是禱故山得其名非所詳也。其山石崖絕險壁立天固。崖半有一石室去地可五十餘丈。爰有層松飾巖列柏綺望。惟西側一處得厯級升陟。頂上平地十許頃。沙門釋僧光表建二刹。泉發于兩寺之間。東流瀝石沿注山下。又東津渠隱沒而不恆流。故有隱泉之名矣。雨澤豐澍則通入交水。交水又南逕茲氏縣故城。東爲文湖。東西十五里。南北三十里。世謂之西湖。在縣直東十里。湖之西側臨湖又有一

水經注匯校

卷六

九

城謂之瀦。城水澤所聚謂之都。亦曰瀦。蓋卽水以名城也。文水閩案原作文湖今依戴本又東逕中陽縣故城。東案晉書地道記太康地記西河有中陽城舊縣也。交水又東南流與勝水合。水西出狐岐之山東逕六壁城南。魏朝舊置六壁于其下。防離石諸胡因爲大鎮。太和中罷鎮仍置西河郡焉。勝水又東合陽泉水。水出西山陽溪東逕六壁城北。又東南流注于勝水。勝水又東逕中陽故城南。又東合文水。文水又東南入于汾水也。

原公水出茲氏縣西羊頭山東過其縣北

縣故秦置也。漢高帝更封沂陽侯嬰爲侯國王莽之茲同也。魏黃初二年分太原復置西河郡。晉徙封陳王斌于西

河故縣有西河恭王司馬子盛廟

閱案恭字盛字依戴趙仍原本趙氏一清曰

此碑交多與史異晉書西河繆王斌子子政初封陳王改封西河傳云字子政碑云字子盛傳云諡繆碑云諡恭又薨年碑與史同而改封之歲碑在四年傳在三年善長親見其碑或是史誤

碑文云西河舊處山林漢末擾攘百姓失所魏興更開疆宇分割太原四縣

以為邦邑其郡帶山側塞矣王以咸寧四年改命爵土明

年十二月喪國臣太農閻崇離石合宗羣等二百三十四

人刊石立碑以述勳德碑北廟基尚存也

又東入于汾

水注文湖不至汾也

同過水出沽縣北山

案魏書地形志作同過云五水合道故曰同過近刻過作過

閩案今依戴本

過水

作同

閩案今依戴本

水經注匯校 卷六 二

其水西流與南溪水合水出南山西北流注同過水同過

水又西北黑水出西山三源合舍同歸一川東流南屈逕

受陽縣故城東按晉太康地記樂平郡有受陽縣盧諶征

艱賦所謂歷受陽而總轡者也其水又西南入同過水同

過水又西蒲水南出蒲谷北流注之同過水又西與原過

水合近北便水源也水西阜上有原過祠蓋懷道協靈受

書天使憂結宿情傳芳後日棟宇雖淪攢木猶茂故水取

名焉其水南流注于同過水也

西過榆次縣南又西到晉陽縣南

榆次縣故涂水鄉晉大夫智徐吾之邑也春秋昭公八年

晉侯築鹿祁之宮有石言晉之魏榆服虔曰魏晉邑榆州

里名也漢書曰榆次十三州志以為涂陽縣矣王莽之太
原亭也縣南側水有鑿臺韓魏殺智伯瑤于其下刳腹絕
腸折頸摺頤處也趙本引庾林云黃歇上秦王書云智氏
信韓魏從而伐趙韓魏叛之殺智伯瑤
于鑿臺之下又云韓魏父子兄弟接踵而死於秦社稷壞
宗廟隳刳腹絕腸折頸摺頤身首分離暴骨於草澤此春
申極言韓魏之怨秦而酈氏其水又西南流逕武灌城西
誤為智伯見屠之酷疏鹵矣
北盧諶征艱賦曰逕武館之故郭間厥塗之遠近同過水
又西南為淳湖謂之同過澤澤南涂水注之水出陽邑東
北太嶮山涂谷西南逕蘿磨亭南與蔣谷水合水出縣東
南蔣溪魏土地記曰晉陽城東南百一十里至山有蔣谷
大道度軒車嶺通于武鄉水自蔣溪西北流西逕箕城北
春秋僖公三十三年晉人敗狄于箕杜預釋地曰城在陽
水經注匯校

卷六

三

邑南水北即陽邑縣故城也竹書紀年曰梁惠成王九年
與邯鄲榆次陽邑者也王莽之繁穰矣蔣溪又西合涂水
亂流西北入同過澤也

西入于汾

出晉水下口者也閔案官本西入十一字並經文今依戴
趙本以上四字為經文下七字移入注
文 劉琨之為并州也劉曜引兵邀擊之合戰于同過即是
水也

晉水出晉陽縣西懸甕山

縣故唐國也春秋左傳稱唐叔未生其母邑姜夢帝謂已
曰余名而子曰虞將與之唐屬之參及生名之曰虞呂氏
春秋曰叔虞與成王居王援桐葉為珪以授之曰吾以此

封汝虞以告周公周公請曰天子封虞乎王曰余戲耳公曰天子無戲言時唐滅乃封之于唐縣有晉水後改名爲晉故子夏敘詩稱此晉也而謂之唐儉而用禮有堯之遺風也晉書地道記及十三州志並言晉水出龍山一名結紉山在縣西北非也山海經曰懸甕之山晉水出焉今在縣之西南昔智伯之遏晉水以灌晉陽其川上游後人踵其遺跡蓄以爲沼沼西際山枕水有唐叔虞祠水側有涼堂結飛梁于水上左右雜樹交蔭希見曦景至有淫朋密友羈遊宦子莫不尋梁契集用相娛慰于晉川之中最爲勝處

又東過其縣南又東入于汾水

水經注匯校

卷六

三

沼水分爲二派北瀆卽智氏故渠也昔在戰國襄子保晉陽智氏防山以水之城不沒者三版與韓魏望歎于此故智氏用亡其瀆乘高東北注入晉陽城以周灌溉漢末赤眉之難郡掾劉茂負太守孫福匿于城門西下空穴中其夜奔孟卽是處也東南出城流注于汾水也其南瀆于石塘之下伏流逕舊溪東南出逕晉陽城南城王晉水之陽故曰晉陽矣經書晉荀吳帥師敗狄於大鹵杜預曰大鹵晉陽縣也爲晉之舊都春秋定公十三年趙鞅以晉陽叛後乃爲趙矣其水又東南流入于汾

湛水出河內軹縣西北山

湛水出軹縣南原湛溪俗謂之湛水也是蓋聲形盡鄰故

字讀俱變。同于三豕之誤耳。其水自溪出南流東過其縣北。又東過波縣之北。

湛水南逕向城東而南注。

又東過母辟邑南。

原經所注斯乃淇川之所由。非湛水之間關也。是乃經之誤證耳。湛水自向城東南逕湛城東。時人謂之榭城。亦或謂之隰城矣。溪曰隰澗。隰城在東。言非此矣。後漢郡國志曰：河陽縣有湛城是也。

又東南當平縣之東北。案平縣原本及近刻竝訛作平陰縣。考河水注云：河水又東逕平縣故城北。又東入淇水。入焉。此注云：原經所注斯乃淇川之所由。不得為平陰明矣。今訂正。南入于河。

湛水又東南逕鄧南流注于河。故河濟有鄧津之名矣。案鄧

水經注匯校

卷六

三

津在孟津西。河水自西而東。先得清水。次敘水。次眇水。次庸。庸之水乃至平陰。又得濩水。次至鄧。得湛水。次至平縣。得淇水。撰水經者敘清水于平陰下。敘湛水于平縣下。皆于地望不協。故道元辨其非。

